

ያይቆብታ ክታ እርድንታ

ኮና ያይቆብታ ክቴና ሰጤናር ገኙ ዐቅንጎካ ኬዘድንደት ገቅርን የጀንዳ ማድንካ ጸፍምሳንደረ ፍጫሙደንዘን ይጭምሰባብከሰ ክርሰቶሳር እመንድባብ ሙደንካንቴ፥ ኖ ጸፍሰባብ ኤጨንም ፍክሰዘን ዋ ዐቅዝድንደታጎግን፥ እመንድባብከሰም ሞከንጎኬ ኬታ እዘንጎካ ከትም ጎርሰንዳ ማድን ሪንከሰም መያ ማቻን ካምሰካ ኬዘዴ፥ ሪካይሳ ማትንታጎከ ቆልማጎካ፥ ጸጭምጎካ፥ ኡርማ እዘንጎካ፥ ቀምሰጎካ፥ እመንጎንከኬ ኡርማ ፍክሰ ጎካ፥ እድምንታ ኡርመንጎኬ ዳቅልንጎካ፥ ኤጨንጎካ፥ ክክ ክክ ዋጭማጎካ፥ ኦትራጎከ ይንታ ማተም ይርክሳ ይይንታጎካ፥ አብንከዘን ፋረድንጎካ፥ ይካቸካ ጨቅንጎካ ዳንዳእንኬ ምክሰንጎካ ክርሰቶሳር ማቸባብከሰ ይ ከትም ዝግዝድንደትም ነግማይንደትም ሙዳ ጸፍቴ።

ክታ ክቴና ክርሰቶሳር ማትሶ ዶቅንተንታ እሜንና ፍክሰካ ሰቸርድንደትም መያ ማዘዴ።

ማጻፍን ኮትኮታ ሙዳ የድንተና

እርድንታ (1:1)

እመንኬ ኤጨንካ (1:2-8)

ሪካይሳ ማትንተኬ ቆልመካ ማትንታ (1:9-11)

ጸጫ (1:12-18)

ሳብታ ቃለንም ኤሰርኬ ፍክሰዘን ዐቅስ (1:19-27)

ኤታ ባላካንታ ኦሰነካ ይይምዳክንግንዳ እምምሳን ኤግዝምሰ (2:1-13)

እመንኬ ፍክሰንካ (2:14-26)

ክርሰቶሳር ማቸባብከሰጎኬ ኬታ እድምናርንካ ዉድን ኬዘንጎካ (3:1-18)

ክርሰቶሳር ማቸባብከሰኬ ኮፍጫ ሙደንጎካ (4:1—5:6)

ዐክ ዐክ ሪንከሰጎካ እምምሳን ዞራ (5:7-20)

1 ፍጫ ሙደናር ይጭምሰባብ ታመኬ ቃሰቴን አጥርንከሰካንታ፥ ሳብተኬ ጮይሰ የሱሰ ክርሰቶስታ ፍክሰንባብ ማቸባብ ያይቆበዘንካ ኦይትምሳን ክታ፥ ሳራትቼነረ የካንታ ማታ።

ማጣ ሰጪካ ዝግዝድን ኣመንኬ ኤጪካ

2 እስመንከሰኬ ሞቕንከሶ! ዐክ ዐክ ጳጤና የም የልድንካ የም እንድር ጉርምዝድን ሪንከሰም የ ዐፍሳንግንዳ ማሰሰቶ ፋይድከቲ።

3 የንታ ኣመንንታ ጳጤምና ዳንዳእን የካንታ ዐፍሰዝድንዳ ማትንተን ኤዘደቲ።

4 ዳንዳእንካ የንታ ዳቅንተና ዐረነረ የንዘንካ ዘገራክደቆ ቦድመኬ ጮጮ የ ማታባብ የም ማዝድንዳ ማታ።

5 የንታ ግድያርንካ ኤጪ ዘገርሰባብ ኤድ ደቅሴ ሳብም ክት ምክሳ፡ ሳበረ ክትካንታ እምተሬ፡ ኖ ዐረነረ ቦሳክደቆ ሙደንካንታ እምንተንም እምድባብ ዐልሰማ ጮይሰዬ።

6 ኬዛር ማቼ ኤድ ዐረነረ ዐኤራክዶቆ ኣመንካ ክት ምክሳ፡ ዐኤራድን ኤድ ዘገካ ዐንቅምሳንደትኬ ሩብምድን ባህርንዘን ዘገንም ካምዴ።

7 ኮግንዳ ኤድና ጮይሰዘንካ ዐራ ሪየረ ዐብድን ክደር ዐይካማ።

8 ኮነረ ማድንዳ ቃሰቲን ገቅር ክታ ደቅድንካንተኬ ይንታ ኅግንከረ ኦሰ ፈንክ ጋይድንኦሌ።

ሪካይሳ ኤቕንተኬ ቆልመክንባብ ኤቕንታ ጉርም

9 ይንታ ደቅንተካ ቶክማ ማቕባብ እሰመና ሳብ ክትም ጩክሳ ይድንኦል ክትም ጉርምሳ።

10 ኤታ ቆልማ ድረታ ቦናግንዳ ድግድንኦል ይንታ ደቅንተካ ጩክን ጋይሰባብ እሰመና ሳብ ክታ ደቅንተን ይርክሳ ይሳንማቼረ ክትም ጉርምሳ።

11 ዐይና ይንታ ኦይጣምንካ ክክን ዉድንካ ድረንም ዎቕዝዴ ቦነነረ ድግዴ፡ ላቅምነረ ካይዴ፡ ኮትኮግንደረ ቆልመክንባብ ይንታ ፍክሰንካ ጋፈሮ ካይዴ።

ኤድዘን የልድን ጳጤ

12 ጮይሰና ይንታ ቃላ ጫቀንዘንካ እምሳንዳ ይንታ ገርንከሰ ካንታ ክት እምድንደትም ደቅንት ዛዉደን ተይድንኦል ጳጤን ዳንዳእሶ ዳቅድባብ ኤድ ኣንጅምሰባቤ።

13 ሳብ ዳቅል ሪካ ዎም ጳጤዳክን ኦልኬ ኮግንደረ ኖ ዐይመነረ ጳጤዳክንካንታ ኤድ ጳጤምድንዐይካ “ሳብ እም ጳጤ” ዐይጋያ።

14 ኬዛር ማቼ ዋልቃ ዋልቃ ኤድና ጳጭምድንዳ ይንታ ማታርንካ አንግርካ ጎቶመሮ ገሰምድዬ።

15 ኮታ ቡሪ አንግርና ስርምሶ ጎመንም አጠ፡ ጎመነረ ጋጸር ደእንም አጤ።

16 ሶልምምሰባብ እስመንከሰኬ ምቕንነከሶ! **ዐይገስመቴ!**

17 ኡርማ እምንተኬ ቦድማ እንጀና ሙዳ ሳብዘንኬ፡ ኮነረ **ዐድንደና ሰፍግንዳ** ኦንጋ ናንከረ ኦክም ካያባብ ሳክመንታ ባቤን ሳብዘንኬ።

18 ሳብ ይንታ ፍዛ ሙደንታ እርንባብ ዎ ማድንግንዳ ይንታ ጋይተንካ ዶፈን ቃለንካ ዎም አጤ።

ኤስርሳንደትም ፍክሰዘን ዐቅስ

19 ሶልምምሰባብ እስመንከሰኬ ምቕንነከሶ! ኮም ዐይ ባቀረቴ፡ ኤድ ሙደና ኤስርሳንታ ሳነርሰባብ፡ ኬዛካንተኬ ዋጭካንተረ ጭጭዳክባብ ማታ።

20 ኤታ ዋጭ ሳብታ ጭለትቼን **ዐፍሳዬ።**

21 ኮካንታ ቱነምኬ ዳቅልንተረ በድምን ሙዳ **ዐልእስሰቶ** ሳብ የንታ ቡዳር ኮርሳንደትምኬ የንታ ሰንፔንም አቅሰካንታ ማድን ቃለን የንታ ማተን ይርክሳ ይይንተካ ተይከቴ።

22 ክታ ቃለን ፍክሰዘን **ዐቅዝድባብ** ማትከቴ ዳት የንታ ማተንም ገሰረቶ ኤስርድባብ **ዐክ ዐይማተቴ።**

23 ክታ ቃለንም ኤስርሶ ፍክሰዘን **ዐቅሳይባብ** ኤድ ይንታ ባለን ማሰታታር ሰድንግንዴ።

24 ኮና ኤችና ይንታ ባለን ማሰታታር ይ ሰጃንደታ ቡር አይዴ፡ **ዐስግንዳ** ይ ማቻናንከረ ሳነካ ባቀርዴ።

25 ኬዛር ማቼ ዉቕ ዉጅድንደትም ቦድማ ህግን ገቅርሶ ክታር ዳቅድባብ፡ ክትመረ ኤስርሶ ባቀርድባብ ማታክዶቆ፡ ፍክሰዘን **ዐቅዝድባብ** ኤድ ይንታ ፍክሰንካ እንጅምሰባብ ማተሬ።

26 ይንታ አድምን ካርሳክዶቆ ሳብም ጎይንድቴ ጋይድን ኤድ ይንታ ማተን ገሰዝዴ፡ ክተረ ጎይንና ዉቕዬ።

27 ሳብ ባቤንታ እሪ ጭልንኬ ቱና ማታክን አመንና “ባቤንኬ እንደንካ ደእሳን ይንቕንከሰም፡ ኮትኮግንደረ ክእሰና ኬታ ደእሳን ማንከሰም ኬታ ማጠናር አላ፡ ጉጅሰረ ይንታ ማተንም ፍጫሙደንታ ቱንከንከረ ካርሴ”።

2

ሪ ካየንባብም ቶቻ ዝግዝዳክንደትም

1 እስመንከሰኬ ሞቓነንከሶ! ቦንቻ ጮይሰን የሱሰ ክርስቶስካ እመንድባብ የ ማቼ ዋልቀና አብንከዘንካ ሰገዴ ጋይንተካ ኤታ ዋክያር ባላካንታ ጋይሶ ዐይይ ይየቲ።

2 ካምሰካንታ፡ ቃሰተን ኤድንከሰ የ ሳንምድን ካርዘን ዐይደኬ፡ ዋልቃባብና ይንታ ግልኤናር ዋርቃ እርቕሰባብኬ ላቅምድን ሰክም አፍላ ቆበርሰባብ ቆልመክንባቤ፡ ቃሰትምሰነረ ጭመርሳን ገሳ አፍለም ቆበርሰባብ ርካየንባቤ።

3 ላቅምድን ሰክም አፍላን ቆበርሰባብ ኤቕን ቦንቸካ “ኮኡርማ ካርዘን ዶእካ” ክትም ጋይደቲ። ሪ ካየንባብም ማቼ “የና ማቼ ኦኮታር ዋእካ፡ እነረ እሰታ ዱትንታ ጎያር ዶእካ” ክትም ጋይደቲ።

4 ይና ኮግንደካ የንታ ዋክያር ፋሰምም የ ይድንደትኬ ኤታ ባላካንታ ጋይሶቶ የ ፋረድንዳ የንደር ዐፈርዳክዮ?

5 ሶልምምሰባብ እሰታ እስመንከሰኬ ሞቓነንከሶ! ኤሰርከቲ፡ ሳብ እመንካ ቆልመንባብከሰ ከት ማድንግንደኬ ክትም ሶልምድባብከሰም ጉርም ከትካንታ እምሳንደትም ባንቕምን ከት ተይድንግንዳ ኮ ፍጫሙደንዘን ሪ ካየንባብከሰም እዳክዮ?

6 የታ ማቼ ሪ ካየንባብከሰም ቶጅደቲ፡ የም ማእሳኦንግድባብከሰኬ ፍርዳ ኤሄናር የም ጎቻኦግድባብ ቆልመንክንባብከሰ ካዮ?

7 የታ የ ኤልምድንደትም ኮትኮ ቦንቻ ላምን የግድባብከሰ ኬታ ካዮ?

8 “ኤድም የሰታ ማታግንዳ ማሰሰዮ ሶልምካ” ጋይምሶ ጭል ማጻፍናር ጻፍምሳንደትም ሳብ ባንቕምታ ህግንም የ ቦደ ኡርመን ይደቲ።

9 ኤድንከሰታ ዋክያር ፋሰምም የ ይድንዳ ማቼ ጎማ ፍግዝደቲ፡ ህግንም ዛቅንተከረ ህግንካ ኦይሰምደቲ።

10 ኤድ ክተንከሳርንካ ዋልቀን ዉልእሶ ነግድባብከሰም ሙዳ ቦዴ ዋራ ሙደነረ ክት ዉልእሳንግንዳ ፋይድምዴ።

11 “ዐይይቤሉ” ጋይሰባብ ጮይሰና ኮትኮግንደረ “ዐይደይቤ” ጋይቲ፡ ኮካንታ የሰ ቤልማክናንከረ ዋራ የሰ ደይቤ ህግንም ዉልእተዬ።

12 ባዛካይሳ ደቅንተን ዐፋሰዝድን ህግነታ እሪ ዋእሶ ዳይንምዝድን ኤድንከሰግንዳ ከሰከቲ፥ ኮግንደረ ፍክሰከቲ።

13 ሳብታ ፍርደና እጭር ካየን ኤድንካነታ እጨርዳክዬ፥ ኮካነታ እጭርና ፍርደንም ጋምዴ።

እመንኬ ፍክሰካ

14 እሰታ እሰመንከሰኬ ምችነንከሶ! ኤድ እመን እሰታ ደቅዴ ይ ጋይሴ፥ ይነታ እመንንም ኡርማ ፍክሰካ መያ ክት ማሳክን ማቺ ዐፎክ ክትም መዬ? እመና ክታ ክትም እቅሰካነታ ማዶ?

15 ካምሰካነታ ከት ቆበርድንደትኬ ከት እጅድንደትካ ካየንባብ እሰመንከሰኬ ምችነንከሶ ደቅሴ፥

16 የነታ ዋርንካ ዋልቃባብ ኬታ ደቅንተንካነታ ከትም ዝግዝድን ሪ ከትም እማክዶቆ “ኡርማ እይከቲ! የም ኦይጣ! ምስከቲ!” ከትም ጋይዴ ዐፎክ ከትም መዬ?

17 ኡርማ ፍክሰዘንካ ፋሰምሳን እመንና ደእሳንዴ።

18 ኬዛርካ ማቺ “የሰታ እመን ደቅዴ፥ እሰተረ ኡርማ ፍክሰ ደቅዴ” ጋይድባብ ደቅሴ፥ “የሰታ እመንን የሰታ ፍክሰንዘንካ ፋሰሰኦ እም ሰችካ፥ እተረ እሰታ ፍክሰንካ እሰታ እመንን የሰም ሰችትቲ” ክደር ጋይድቲ።

19 “ዋልቃ ሳብ ደቅዴ” የዝደር እ ጋይሴ የና እመንደዬ፥ ኮነረ ኡርማ፥ እመንን ማቺ ግምዘንከሰረ እመንደኬ፥ ጳሰከረ ጭጭደኬ።

20 የና ዳቼኖ! እመንና ፍክሰካይሳ እፍ ካየንዳ ማትንተን የና ሰዳደቅዳ?*

21 ዋንታ ባቤን አብራህም ይነታ ይንችን ይሳቀም ካሲ ካርንዘን ሳብካነታ ካሲ ማሰሶ እምሳንደትካ ክት ጭልምሳንዳ ፍክሰካ ካዮ?

22 ኮካነታ እመንና ክታ ፍክሰንካ የካ ዐቃንግንደኬ እመንነረ ፍክሰካ ቦድማ ማቸን የና ሰዳደቅዳ?

23 ጭል ማጸፍናር “አብራህም፥ ሳብንም እመንሴ፥ ክታ እመንነረ ጭል ማትሶ ክትካነታ ፋይድምሴ” ጋይምሳን ቃለና ቦድምሴ፥ ኮግንደካ አብራህም ሳብታ ገርና ጋይምሴ።

24 ይና ኤድ ጭልምድንዳ እመንካ ዐክ ማታክናና ፍክሰከረ የካ ማትንተን ሰደዬ።

* 2:20 እፍካይሳ ጋይድንደትም፤ ዋልቃ ዋልቃ ኤና እር ጸፈርሳን እ ከሰ “ደእሳንዴ” ጋይደኬ። 2:21 ፍዝ. 22:1-14። 2:23 ፍዝ. 15:6፤ 2 ሳሙ. 20:7፤ እሲ. 41:8።

25 ኤተን ቤልምን ቤልምድንዳ ረክብ እስራኤልንከስታ ክቴን ተይወድባብከስም ይንታ ኤሄናር ሞክሳንደትወይይከኬ እብ ጎገከረ ከት አይድንግንዳ ኮት ይሳንካንታ ና ይንታ ፍክሰንካ ጭልምታ ካዮ?

26 ሰንፔዘንካ ፋሰምሳንዳ ዋሄና ደእሳንዴ፥ ኮትኮግንደረ ፍክሰዘንካ ፋሰምሳን አመንና ደእሳንዴ።

3

እድማርንካ ዉድን ዳቅል ሪንጎካ

1 እስመንከስኬ ሞችንከስ! ዋታ ኤሰንባብከስ ማችባብ ሰግዳን ፍርዳ ዋ ተይድንደትም የ ኤዘድንኦል የንታ ዋርንካ በድንከስ ኤሰሰንባብከስ ወይማታ።

2 ዋታ ሙደና በድወይካ ኮተርዶቴ፥ ይንታ ኬዘንካ ኮተርዳክባብ ኖይንታ ዘንም ካርዘድባብ ቦድማ ኤዴ።

3 ፋረንከስ ዋካንታ ክትምድንግንዳ ኬታ አፈናር ሉጋም አርጅዶቴ፥ ፋረንመረ ዋ ዝግድን ካርዘን ጎርዘዶቴ።

4 ባህርንዘንካ ቃልዘድንዳ ማርከብ ጋየርድንዳ ወረሰነረ ባከና ማትሰረ እንድር ዘገካ ወጎቅምድንዳ ኮት ማችንከረ፥ ማርከብን በይድባብ ቶክም ሪ ሎቀንም ዋለርድንደትካ ይ ዝግዛን ካርያር በይዴ።

5 ኮግንደረ እድም ዘናርንካ ቶክመንዳ ማድዮ እንድር ሪንከሰካ ጨቅዴ፥ ባካ ቆቹና እድንዳ ቶክም ኖሄኬ።

6 እድምነረ ኖሀግንዴ፥ እድም ዋንታ ዘንከስታ ዋክያርንካ ዳቅል ፍጨሙደንዘን ማትሶ ወፈርድንዴ፥ ዋንታ ዘንም ባችዘዴ፥ ሰለንካ ድግዳክንደታርንካ ዉድን ኖሄንግንደረ ዋንታ ደቅንትንም ሙዳ አዴ።

7 ፍጨዘን ባችርንከስኬ አፍትንከስ፥ ፍጨካ ጎችምድባብከስኬ ሎቃ ባህርናር እንግድባብ ፍዘርንከስ ሙዳ ኤድካ ክትምካንታ ማዴ፥ ጉጅሰረ ክትምተኬ።

8 ኬዛርንካ ማቼ እድምም ክታካንታ ማድባብ ወየነረ ካዬ፥ ደይዘድንደትኬ ገንመንዳ ኮታር ጮጫንዳ ወዉስ ካየንዳ ዳቅል ሪዬ።

9 ኮትከረ ዋንታ ባቤን ሳብም ጋለዶቴ፥ ኮትኮግንደረ ኮትካ ሳብታ ካምሰካ ፍዘምሰባብ ኤድንከስም ባዶቴ።

10 ዋልቃ አፋርንካ ጋለትኬ ባድካ ወደኬ፥ እስመንከሰኬ ምቕንነከሶ! ኮና ማቲ ዝክሳዬ።

11 ዋልቃ ቱትያርንካ ዋጭካንታ ማድንዳ ሎቅድንደትኬ ጫቅምድንደትካ ሎቃ ዉተሮ?

12 እስታ እስመንከሰኬ ምቕንነከሶ ዐቃ በለሰና ዋይራ ዐቀንታ አፍን ኡዝዶ? አነረ ዋይን ዐቀና በለሰንታ አፍን ኡዝዶ? ኮትኮግንደረ ዳቅል ሎቃርንካ ጭል ሎቃ ዐፈርዶ?

ጭላዘንደተኬ ፍጨዘንደታ ኤጨንጎካ

13 የንታ ዋክያርንካ ኤጨኬ ገቀርት ተይድባብ ኤድ ዐይራ? ኤጨኬ ይንታ ማተን ይርክሳ ይይንተካ ይ ቦጃን ፍክሰን ይንታ ኡርማ ደቅንተንካ ክት ሴቻ።

14 ኬዛር ማቹ ጫቅም፥ ቀምሰኬ ማታ ሶልመካ የንታ ቡዳር ደቅሴ ዐይ ጨቀቱ። ደፈንንታዘን ዐይማልተቱ።

15 ኮግንዳ ኤጨና ዐፈርድንዳ ፍጨሙደንዘንካ፥ ዋሂዘንካ፥ ግምዘንዘንካ ዳት ሳብዘንካ ካዬ።

16 ቀምሰኬ ማተም ሶልማ ደቅድንካርዘን አዉልኬ ዳቅል ፍክሰና ሙዳ ደቅደኬ።

17 ኬዛር ማቹ ሳብዘንካ ዐፈርድንዳ ኤጨና እሪምሰረ ጭልምሳንደ፥ ኮታዘንከረ ሳራትቹንም ሶልምድንዳ፥ ላቅም፥ ክትም፥ አጭር፥ ኡርማ አፍ ኡሰ፥ ኤታ ባላካንታ ኦሰኬ ኦትራ ካየንዴ።

18 ሳራትቹን ሶልምድን ኤድንከሰ ሳራትቹን ማሰሰኮ ጭለትቹንታ አፍን ሳንዝደኬ።

4

ፍጨሙደንታ ዳቀልሰን ግር

1 የንታ ዋክያር ደቅድንዳ ዳምንኬ ዋጭመካ ዐምንካ ዐዳንደረ? የንታ ዘንንታዋር ዳምድንደት የንታ ዋሂንታ አንግርዘንካ ካዮ?

2 ዋልቃ ርም ዐፍካንታ የታ አንገርደቱ፥ ማቕንከረ የታ ዐብዳክቱ፥ ኮካንታ ኤድም የታ ደይዘደቱ። የ ምግዝዳክንኦል የ ዝግድንደት ርም ዐብዳክቱ።

3 የ ምክሰረ የንታ ምክሰንታ ማሰን የ ዐብዳክንዳ የ ምክሳን ርም ዋሂታ ጉርምዘን ዐቅሰካንታ ዳቅል ገቅርካ የ ምግዝድንካንቱ።

4 የታ ቤልምንባብከሶ! ፍጫ ሙደን ሶልምድባብ ሳብካ ይምኤእርድባብ ክት ማድንደትም የታ ኤሳየቲ? ይና ፍጫ ሙደን ሶልምድባብ ሙደና ሳብካ ይምኤርሰባብ ማቲ።

5 ጉጅሰረ ጭል ማጻፍና “ሳብ የንታዋር ገችሳን እያንና ክታር ዐክ ዋ ማድንግንዳ በድ አንገርዳ” ጋይሳንዳ ዉችዮ?

6 ጭል ማጻፍና “ሳብ ኦትረንባብከሰም ግርዳ። ይንታ ማተን ይርክሳ ይድባብከሰካንታ ማቼ ይንታ ዉች እምንተን እምዴ” ጋይድንኦል ሳብ እምድንዳ ዉች እምንተና ሙደንዘንከረ ሰገዳ።

7 ኮኦል ሳብካንታ ቆልምከቲ፥ ዳብሎሰም ማቼ ግርከቲ፥ ኖየረ የንዘንካ ጎተርዳ።

8 ሳብደር ቅንችምከቲ፥ ኖየረ የንደር ቅንችምዴ፥ የታ ጎመንባብከሶ! የንታ አንንከሰም ሰኤርከቲ፥ የታ ኦሰ ፈንክ ጋያኦንግድባብከሶ! የንታ ቡደን ኤርሰከቲ።

9 ማጠርከቲ፥ ሞርእከቲ፥ ኤፍከቲ፥ የንታ ይንጭና ኤፍያር፥ የንታ ጉርምና ሞርእር ኦክማ።

10 ጮይሰታ እሪ የንታ ማተን ይርክሳ ይከቲ፥ ኖየረ የም ጨክሳ ይተፊ።

ኤታዘን ፍርዳ ዝክሳይንደትም

11 እስመንከሰኬ ምችንከሶ፥ ክክ ክክታ ካሪ ዐይ ኬዘቲ፥ ኤታ ካሪ ኬዘድባብ ናንከረ ኤታዘን ፋረድባብ፥ ህግንታ ካሪ ኬዘዴ። ህግንዘነረ ፋረዴ፥ ህግንዘን የሰ ፋረዴ ጉጅሰረ ፋረድባብ ማትንታ የሰታ ዳት ህግን ቦድባብ ካየዬ።

12 ህግን እምድባብኬ ፋረድባብ ዋልቃ ሳብ ይንትዬ። እቅሰካንተረ ካይሰካንተረ ማድባብ ኖ ይንትዬ። ይና፥ ኤድዘን ፋረድባብ የና ዐይፊ?

ይንታ ማተም ጨቅኅካ እምምሳን ኤግዝምስ

13 የታ “ታካ ናንከረ ሰናከረ ኦሰ ዶቅድን ካተመናር አይሶቶ ዋሪ ዋልቃ ሰላ ዶቅተሮቲ፥ ዛልእ ዛልኤሮቶ ብረን በችተሮቲ” የታ ጋይድባብከሰ ካርሰምከቲ።

14 ሰናካ ማድንደትም የታ ኤዘዳከቲ፥ የንታ ዶቅንተና ዐረረየረ? ዋልቃዱት ዐፈረሶ ኮታ ቡሪ ካይድን ኡፓግንደቲ።

15 ሰግሰሶ ይና “ጮይሰ ጋይሰኬ ዋ ዶቅሴ ኮም ናንከረ ኦኮም ይተሮቲ” የም ጋይ ዝግዝዴ።

16 የታ ማቼ ኮም ጋይዘግዘድንካ የንታ ኦትረንካ የካቻካ ጋይርደቱ፤ ኮግንዳ ጨቅና ሙዳ ዳቅልዬ።

17 ይና ኡርማ ሪም ይይነተንም ኤስሮ ይዳክን ኤድ ክታ ይክሳ ነግና ጎማ ክታዘን ማዴ።

5

ቆልመንባብከሰካንታ እምምሳን ኤግዝምሶ

1 ታ የታ ቆልመንባብከሶ! ዐድሰቶ ኤስርከቱ፤ ዘርዚድን ማጣ የንዘን ዐድንጸል ፍፈረቶ ኤፍከቱ።

2 የንታ ቆልመና ሙዳ ጫፍቱ። የንታ አፍለንመረ ብልይ እቶቱ።

3 የንታ ዋርቀንኬ ብረንካ ቡየርቱ፤ ቡይነረ ማርካ የንዘን ማተሬ፤ የንታ ዋሄንመረ ኖሀግንዳ አተሬ፤ ከትኬ በእነታ ሰጩከሳር በድ ቆልማ ሳንሰተቱ።

4 ኤስርከቱ! የንታ ዐምያር ሰክድ ዐቅባብ ፍክሰንባብከሰካንታ ኬታ ናክን የ ናካክንጸል ይና ዋንታ ናካየቱ ጋይሰኮ ከት ፍብድንዳ ኤሰምዴ፤ እሰን ሰክድባብከሰታ ፍፍን ፍዛ ሙደንታ ጮይሰና ኤስርቱ።

5 ዐላ ጋይሳንደትኬ ጉርምካ ደቀረቶ ማቻካንታ ዱቼርሳን መሄንግንዳ የንታ ቡደን ደእሰተቱ።

6 የም ግራክባብ ጭልንዘን ካርከካ ፋረጀቱ፤ ክትም ደይሰቱ።

ጮይሰታ ቃሰትምሶ ዐድንቱን ዳንዳእካ ካርሰ

7 እሰመንከሰኬ ምቹነንከሶ! ይና ጮይሰ ዐተርን የለልታ ዳንዳእካ ካርሰከቱ፤ ዋንንባብ ፍጨና እርንደትምኬ ቡርንደት ደብን ዐፍተርን የለልታ ዳንዳእኬ ሶንቶምሳን ፍጨንታ አፍን ካርዘዴ።

8 የቲረ ኮግንዳ ዳንዳእከቱ፤ ጮይሰታ ዐድንታ ሰጩና የልሳንካንታ ዐድን ጉርምካ ዳእከቱ።

9 እሰመንከሰኬ ምቹነንከሶ! የንተረዘን ፋረድምተራክንግንዳ ክክ ክክ ዐይአልቅመቱ፤ ይና ፋረድባብ ዐድን ሰጫ የልቱ።

10 እሰመንከሰኬ ምቹነንከሶ፤ ጮይሰታ ላምንካ ሳብዘንካ ኤስርሶ ኬዛቅባብከሰ ማጠንም ዳንዳእካ ተይነተካ ካምሶ ከት ማቻን ኤስከቱ።

11 ጉጅሰረ ከትከነም ዳንዳእንካ ዳቅሰባብከሰም “እንጅምሰባብከሰኬ” ከትም ጋይዶቲ፥ እዮብ፥ ዐስግንዳ ክት ዳንዳእሳናንከረ የታ ኤሰርተቲ። ጮይሰረ በእንተዘን ክትካንታ ይሳንደትም ኡርማ ሪ የታ ሰተቲ፥ ኮከረ ጮይሰ ቡዳርካ አተርድባብኬ አጨርድባብ ማትንተንም የታ ሰተቲ።

12 እስመንከሰኬ ምቕንነከሶ! ሙደንዘንከረ ሰግ ጭለከረ ፍጨካ እነረ አብ ዐራ ሪከረ ዐይ ጫቀቲ፥ የንታ ኬዘና ማዴ የ ጋይሰ ዶፈንካ ማዴ ጋይከቲ፥ ማታይንዳ ኮት ማቼረ ዶፈንካ ማታዬ ጋይከቲ፥ ኩን ማታክን ማቼ የንዘን ፋረድምዴ።

13 የንታ ዎክያር ማጣ የልሰባብ ኤድ ዶቅሴ ክት ምክሳ፥ ጉርምሰባብ ኤደረ ዶቅሴ ሳብም ጋለተር የቺን ክት የቻ።

14 የንታ ዎክያር ሰቀርሰባብ ኤድ ዶቅሴ ምክሰ ኤሄናር ጋልተንከሰም ይንደር ክት ኤላ፥ ከቲረ ዐዘርሰባብዝን ጮይሰ ላምካ ዛይት ሳይሶ ክትካንታ ከት ምክሳ።

15 ኮግንደና አመንዘን የድምሳንዳ ምክሰና ዐዝምባብም ፋእዘዴ፥ ጮይሰረ ዐዝምንዘንካ ክትም ፋጅዴ፥ ክት ፍክሳን ጎማ ዶቅሰረ ነጋ ክትካንታ ጋይምተራ።

16 ኮካንታ የ ፋጭተርንግንዳ የንታ ጎመን ክክ ክክ ፋጭከቲ፥ ዋልቃ ዋልቀነረ አብንካንታ ክት ምክሳ፥ ጭል ኤታ ምክሰና በድ አፍ ዐፍሰዝድንዳ እንድር ዋልቃ ዶቅዴ።

17 ኤልያሰ ዋግንዳ ኤድ ዐቂ፥ ኬዛርንካ ማቼ ዶብ ቃንዳክንግንዳ ዳቅሰሶ ክት ምክሳንደትካ ማኬን ሰለኬ ባንግካ ፍጨዘን ዐረሰነረ ዶብ ቃናክዬ።

18 እነታ ክት ምክሳንደትካ ጭለና ዶብን እምሴ፥ ፍጨንዘነረ ባቅለና እፍን እምሴ።

19 እስመንከሰኬ ምቕንነከሶ! የንታርንካ ዋልቀና ዶፈን ጎግንዘንካ ክት ዉተደኬ አብና ዶፈን ጎግንዘን ክትም ማዘደ፥

20 ጎመንባብም ክት ኮተርሳን ጎግንዘንካ ይንታ ማሰንካ፥ ጎመንባብታ ሰንፔን ደእያርንካ አቅዘድንደትግንደኬ ክታ በድ ጎመንተረ ነገትቼን ክትካንታ ዐፍሰዝድንደትም ክት ኤሳ።

5:11 እዮብ 1:21-22፤ 2:10፤ የቺ 103:8። 5:12 ማቶ. 5:34-37። 5:14 ማር. 6:13። 5:17 1 ባንቺ. 17:1፤ 18:1። 5:18 1 ባንቺ. 1:4-45። 5:20 ካም. 10:12፤ 1 ጴጥ. 4:8።

ክል ጪቃ

Gayil: ክል ጪቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab